



Broj: 05-50-1-1568/14
Sarajevo, 24.10.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 24.10.2014

Organizaciona jedinica	Klasifikaciona oznaka	Redni broj	Broj
		05-50-1-15-66	14

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 110. sjednici održanoj 23.10.2014. godine, utvrdilo je Odgovor na zastupničko pitanje koje je postavio Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1568/14
Sarajevo, 23.10.2014. godine

Na 66. sjednici Predstavničkog doma Parlamentarne skupštine Bosne i Hercegovine, održanoj 14.05.2014. godine, poslanik u Predstavničkom domu Parlamentarne skupštine Bosne i Hercegovine Šefik Džaferović, postavio je Vijeću ministara Bosne i Hercegovine pitanje:

«Koji razlozi su rukovali Vijeće ministara BiH da spriječi odlazak delegacije Vijeća ministara BiH u Evropsku komisiju u Brisel, 29.4.2014. godine, na pripremi-tehnički sastanak za narednu rundu razgovora u okviru strukturalnog dijaloga o pravosuđu.

Tražim da se dostave detaljna objašnjenja ovakvog postupka.

Također, tražim da se navede pravni osnov po kojem Vijeće ministara BiH zahtjeva odgovornost ključnih nosilaca pravosudnih funkcija BiH (predsjednika VSTV-a, predsjednice Suda BiH i glavnog tužioca) zbog njihovog odlaska na isti sastanak u Brisel.»

Na postavljeno pitanje, Vijeće ministara Bosne i Hercegovine je na 110. sjednici održanoj 23. 10. 2014. godine, utvrdilo slijedeći

ODGOVOR

Vijeće ministara BiH je na 92. sjednici održanoj 29.4.2014. godine, na prijedlog Delegacije za evropske integracije Bosne i Hercegovine, razmatralo Informaciju o održavanju sedmog plenarnog sastanka Strukturiranog dijaloga o pravosuđu – tematski sastanak, 29. 4. 2014. godine u Bruxellesu. Informacija nije usvojena obzirom da je u skladu sa Zakonu o Vijeću ministara BiH, za usvajanje ovog dokumenta bilo potrebno obezbijediti konsenzus, koji nije postignut zbog nedostatka glasova prvobitno iz srpskog naroda, koji su tražili proširenje predloženog spiska, dok prošireni spisak nisu prihvatili pripadnici bošnjačkog naroda.

Također je većinom glasova zaključeno da se od Evropske komisije zatraži odgađanje održavanja tematske plenarne sjednice Strukturiranog dijaloga o pravosuđu čije je održavanje bilo predviđeno za 29. 4. 2014. godine dok Vijeće ministara ne riješi prethodna pitanja nužna za održavanje sastanka.

Cijenimo bitnim istaći da je Strukturalni dijalog osmišljen od strane Evropske komisije kako bi se unaprijedili strukturalni odnosi u pitanjima vladavine prava a prije stupanja na snagu Sporazuma o stabilizaciji i pridruživanju. Komisija niti poziva niti odbija prisustvo i učešće na strukturalnom dijalogu ali je Generalni direktorat za proširenje Evropske komisije, na čelu sa Jeanom Ericom Paqutom putem Direkcije za evropske integracije BiH zatražio da Vijeće ministara BiH na sjednici donese odluku o uspostavljanju radne skupine koja će prisustvovati sedmom plenarnom tematskom sastanku Strukturalnog dijaloga u Briselu, 29. aprila, što znači

da je na vlastima u Bosni i Hercegovini da utvrdi ko će biti učesnici na sjednicama Strukturalnog dijaloga.

Vijeće ministara Bosne i Hercegovine nije pozvalo na odgovornost predstavnike pravosudnih institucija Bosne i Hercegovine koji su samoinicijativno otišli u Brisel na navedeni sastanak.



Broj: 05-50-1-1568/14
Sarajevo, 30.6.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01-07-2014			
Organizaciona jedinica	Klasifikaciona oznaka	Redni broj	Broj priloga
01-50-1-15-68/14			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 102. sjednici održanoj 25.6.2014. godine, utvrdilo je Odgovor na zastupničko pitanje koje je postavio Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pravitku proslijeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-07-1-1568/14
Sarajevo, 25.6.2014. godine

Šefik Džaferović, poslanik u Predstavničkom domu Parlamentarne skupštine Bosne i Hercegovine, na 66. sjednici Predstavničkog doma održanoj 14.5.2014. godine postavio je sljedeće poslaničko pitanje:

„Koji su razlozi rukovodili Vijeće ministara BiH da spriječi odlazak delegacije Vijeća ministara u Evropsku komisiju u Brisel, 29.4.2014. godine, na pripremni-tehnički sastanak za narednu rundu razgovora u okviru strukturalnog dijaloga o pravosuđu. Tražim da se dostave detaljna objašnjenja ovog postupka. Također, tražim da se navede pravni osnov po kojem Vijeće ministara BiH zahtijeva odgovornost ključnih nosilaca pravosudnih funkcija BiH (predsjednika VSTV-a, predsjednice Suda BiH i glavnog tužioca) zbog njihovog odlaska na isti sastanak u Brisel.“

Na postavljeno pitanje, Vijeće ministara Bosne i Hercegovine je na 102. sjednici održanoj 25. 6. 2014. godine, utvrdilo sljedeći

ODGOVOR

Direkcija za evropske integracije Vijeća ministara BiH je informisala Vijeće ministara o plenarnom tematskom sastanku Strukturisanog dijaloga o pravosuđu čije je održavanje bilo planirano za 29.4.2014. godine u Briselu. Ova je informacija, kao što je uobičajeno, sadržala prijedlog liste članova delegacije BiH za sastanak i prijedlog dnevnog reda, radi potvrđivanja i davanja saglasnosti od Vijeća ministara BiH. Predviđeno je bilo da se na sastanku razmatra Nacrt zakona o VSTV-u u svjetlu mišljenja Venecijanske komisije, usvajanje Strategije reforme sektora pravde 2014 – 2018 i izrada Nacrta Zakona o sudovima BiH.

Vijeće ministara BiH je ovu informaciju razmotrilo na 92. sjednici održanoj 23.4.2014. godine i istu nije usvojilo. Budući da je sastav delegacije BiH dio predmetne informacije, neusvajanje iste znači da Vijeće ministara nije ovlastilo delegaciju BiH za učešće na predmetnom sastanku. Tom prilikom je većinom glasova zaključeno da se od Evropske komisije zatraži odgađanje održavanja tematske plenarne sjednice Strukturisanog dijaloga o

pravosuđu, čije je održavanje bilo predviđeno za 29.4.2014. godine, dok Vijeće ministara ne riješi prethodna pitanja nužna za održavanje sastanka.

Evropska komisija je 24.4.2014. godine, saznavši o ovom zaključku Vijeća ministara, a prije nego je Direkcija za evropske integracije o istom službeno informisala Evropsku komisiju, dostavila Direkciji za evropske integracije dopis kojim informiše da ostaje pri namjeri da održi sastanak prema prvobitno planiranom rasporedu. Po prijemu dopisa Evropske komisije, Direkcija za evropske integracije je o istom upoznala članove Vijeća ministara BiH.

Kabinet predsjedavajućeg Vijeća ministara BiH je dopisom od 9.5.2014. godine, u skladu sa raspravom i zaključkom sa 94. sjednice Vijeća ministara BiH, a na zahtjev predsjedavajućeg Vijeća ministara, zatražio od Direkcije za evropske integracije da dostavi podatke u vezi sa sastankom 29.4.2014. u Briselu, o tome:

- ko su osobe koje su učestvovala na predmetnom sastanku,
- po čijem nalogu su otišli na sastanak i ko je snosio troškove putovanja i boravka,
- kakve i čije su interese zastupali.

Pošto Vijeće ministara BiH na 92. sjednici nije imenovalo i ovlastilo delegaciju BiH za učešće na sastanku 29.4.2014.godine, predstavnici Direkcije za evropske integracije nisu učestvovali na tom sastanku te Direkcija nije bila u mogućnosti da odgovori na ova pitanja, dopis Kabineta predsjedavajućeg Vijeća ministara je proslijeđen Evropskoj komisiji. Na dopis Direkcije za evropske integracije, Evropska komisija je odgovorila dopisom od 20.5.2014. godine kojim je saopštila da je na sastanku učestvovala većina domaćih sagovornika, uz odsustvo predstavnika Ministarstva pravde BiH i Ministarstva pravde RS. Odgovor iz Evropske komisije je proslijeđen Kabinetu predsjedavajućeg Vijeća ministara BiH.